

大同府志卷之三十

大同府知府吳輔宏纂輯

藝文五

賦

漢 冀州賦

班彪

夫何事於冀州聊託公以遊居歷九州而觀風亦哲人之
所娛望常山之峩峩登北嶽而高遊建封壇於岱宗瘞元
玉於此邱徧五嶽與四瀆觀滄海以周流

唐 雲中古城賦

張嵩

開元十有四年冬孟月張子出玉塞秉金鉞撫循邊心窺
大同府志 卷之三十 藝文 一

按冀碣走汗漫之廣漠陟崢嶸之高關徒觀其風馬哀鳴
霜鴻苦聲塵昏白日雲繞丹旌邊陲萬里戍沙四平乘蒙
恬之古築得拓跋之遺城伊昔晉人失政亡彼金鏡海水
朝飛欖槍夕映時古而五代繼 而四方不靖慨逐

鹿而爭雄空瞻烏而莫定於是魏祖發大號鼓洪爐天授
宏畧神輸秘圖北清沙漠南振荆吳由是一太陰以建極
則廣莫而論都遂徵板榦庀徒卒鏗嶢嶢剖嶭岬因方山
以列榭按長城以為窟既雲和而星繁亦邱連而岳突月
觀霞閣左社右壓元沼泐泐湧其後白樓巖嶼與其前開
士子之辭館列先王之籍田靈臺山立璧水池圓雙闕萬

勿九衢四達羽旄林森堂殿膠葛當其土馬精強都畿浩
穰始摧燕而滅夏終服宋而平梁故能出入百祀聯延七
主擊魯衛之諸侯廓秦齊之土宇禮興樂盛修文輝武講
六代之憲章布三陽之風雨亦云已矣哉俄而高祖受命
崇儒重才南巡主鼎之邑北去軒轅之臺鵬搏海運鳳舉
天迴覽桑流之冰泮憶新野之花開自朝河洛地空沙漠
代祀推移風雲蕭索溫室樹古瀛洲水涸城未哭而先崩
梁無歌而自落魏家美人聞姓元新聲巧妙今古傳昔日
流音遍中外可憐埋骨委山樊城闕摧殘猶可惜荒郊處
處生荆棘寒飈動地牧馬嘶若箇征夫不沾臆人生榮耀
大同府志

卷之三十一 藝文

二

當及時白髮須臾亂如絲君不見魏都行樂處只今空有
野風吹乃載歌曰雲中古城鬱嵯峨塞上行吟麥秀歌感
時傷古今如此報主懷恩奈老何

雲中古城賦

呂令問

正北曰并有唐作京密沂廣漠逶迤長城尹也總居守之
任將也當節制之名故卒乘輯睦而玉都肅清於是斷武
誼按亭燧電轉前旌風吹橫笛楊葉箭的蓮花劍騎下代
郡而出鴈門抵平城而入北地挾纒稱暖投醪必醉則知
撫之者誠難用之者不易是時陰閉羣山寒凋衆木川平
塞迴水飲霜宿慷慨乎大荒徜徉乎游目草樹平蕪山原

重複訴古城之謂何傳魏家之所築伊昔晉京板蕩海縣
沸騰不有所命將何以興王師赫怒爰整其旅霧集雲屯
龍驤鳳舉棄萬里之沙漠傍五原之風土肇爲此都實惟
太祖夫其規典章辨封疆池桑乾之水苑秦城之牆百堵
齊蠹九衢相望歌臺舞榭月殿雲堂開儒士於璧沼貯美
人於玉房翕習沸渭熒熒煌煌取威定霸於是乎在施令
作法罔或不臧武破六州之內文宅山川之陽何其壯也
旣而年代倏忽市朝遷徙干戈聲鼓之雄綺羅絲竹之美
孰不煙散雨絕沙埋灰委樹名歡而詎存鳥稱樂而俱死
危堞旣覆高墉復歆寥落殘徑依稀舊堞榛棘蔓而未合

大同府志

卷之三十一 藝文

三

苔蘚分乎相滋伏熊鬪贖騰麇聚麋常鳴悍驚乍嘯愁鴟
不可勝紀但令人悲邊風起兮馬嘶急寒月生兮鴈飛入
可憐久戍人懷歸空佇立有客志遠才雄秉義由衷負詩
書禮樂之用蘊蕭曹魏邴之風藩庭高枕河源鑿空霜犯
鬢而先白塵染顏而少紅三爲都護五掌元公益封而廣
國事利而業崇獨見凌雲而作賦誰言坐樹而論功者哉

古樂府

國朝
長城謠

宋 梅

噫吁嘻乎此長城列巘埤堦高崢嶸臨洮首役遼陽訖絲
亘屈曲萬里程蒙恬當日興建築黔黎性命鴻毛輕婦人

之妻孤人子四野嗷嗷聞哭聲哭聲動地哀欲絕翔風凜冽城爲崩紫塞屹立中外控祖龍慘淡經營成輶輳車雜鮑魚載海內逐鹿紛縱橫金湯在德不在險一語千秋足定評噫吁嘻乎此長城

黃烈婦行

前人

妾爲廝養婦共締百年盟主恩豈不重大義當分明事夫同皎日耿耿貫丹誠可憐薄命妾陋質奚足呈主日見逼迫夫日遭敲撈受辱甘斷頭視死如歸寧妾在夫殆將不免霜刀霍霍夜半鳴鬼車暗逐幽修語陰風吹夢閻血腥其夫驚覺持燈照哀絕不敢高哭聲時年二十八觀者塞大同府志

卷之三

藝文

四

郊垆各各歎息去盛傳烈婦名卓哉許郡伯建祠爲之銘至今過其下凜若冰霜清誰謂十步澤而無香草生誰謂培塿側而無松栢貞

恒山高

文光

恒山高高插天塞山第一勢孤騫初名大茂後北嶽還元飛石相鉤連壁立斗絕中有龍泉柱維宇宙供養雲烟玉華障其北白虎當其前一峰突兀而遠出羣山衙衙以蜿蟺左挹長庚袂右拍通元肩青沉凝爲石紫芝之蛻爲蟬振衣臺上興磅礴扶桑金骨挾飛仙呼吸直疑通帝座蒼茫莫辨層崖巔金庭福地神靈護俯視氣象何蔚然予適守

茲士登陟留詩篇時維乾隆歲辛丑勒石垂諸萬世年

和文華亭太守恒山高

俞治

恒山高恒山高高出層霄雲中天下脊拔地聳巖嶽蒼
嵐翠巘夏轟星杓崑崙看睥睨岱華鬱宕堯虞巡飛石券
議祀徒搖搖 聖朝釐秩典燔望津鴻昭控幽據并崇嶽
峙絳節纒車天次寥恒山高恒山高高高出層霄

五言古詩

梁 詠霍將軍北伐

虞 羲

擁旄爲大將汗馬出長城長城地勢險萬里與雲平涼秋
八九月鐵騎入幽并飛狐白日晚瀚海愁雲生羽書時斷

大同府志

卷之二 藝文

五

絕刁斗晝夜驚乘墉插寶劍蔽日引高旌雲屯七萃士魚
麗六郡兵哀笳關下思玉笛隴頭鳴先聲鋒自誓三捷燧
無驚玉門罷斥堠甲第始修營位登萬庾積功立百行成
天長地自久人道有虧盈未窮激楚樂已見高臺傾當令
麟閣上千載有雄名

唐 飲馬長城窟

太 宗

塞外悲風切交河冰已結瀚海百重波山陰千里雪迥戍
危烽火層巒引高節悠悠卷旆旌飲馬出長城寒沙迷騎
迹朔吹斷邊聲烽塵清玉塞玉笛韻金鉦絕漠干戈戢車
徒振原隰都尉返龍堆將軍旋馬邑揚麾氛霧靜紀石功

名立荒徼一征衣靈臺

歌入

飲馬長城窟

釋子蘭

遊客長城下飲馬長城
馬嘶聞水腥為浸征人骨豈不
是流泉終不成潺湲洗
盡骨上土不洗骨上冤骨若不沉
水四海有還魄空流鳴咽
聲聲中疑是咽

出塞曲

劉濟

將軍在重圍音信絕
通羽書如流星飛入甘泉宮倚是
并州兒少年心膽雄
朝隨召募百戰爭王公去年桑乾
北今年桑乾東死是無人死功是將軍功
羸馬牧秋月疲
兵臥霜風仍聞左賢更欲向雲中

大同府志

卷之二十 藝文

六

謁張果先生

李頎

先生谷神者甲子焉能計自說軒轅師於今幾千歲寓游
城郭裏浪迹烟霞際應物雲無心逢時舟不繫餐霞斷火
粒野服兼荷製白雲淨肌膚青松養身世韜精殊豹隱鍊
骨同蟬蛻忽去不知誰偶來寧有契二儀齊壽考六合隨
休憩彭聃猶嬰孩心期且微細嘗聞穆天子更憶漢皇帝
親屈萬乘尊遊窮四海際車徒徧草木錦帛招談說八駿
空往還三山轉旆敝吾君感至德元老欣來詣受錄金殿
開清齋玉堂閉絕歌迎拜首羽帳崇嚴衛禁柳垂香鑪宮
花拂仙袂祈年賀祚廣致福蒼生惠何必待龍髯鼎成方

取濟

塞上曲

常建

翩翩雲中使來問太原卒百戰苦不歸刀頭怨秋月塞雲
隨陣落寒日傍城沒城下有寡妻哀哀哭枯骨

塞下曲

前人

黃雲鴈門郡日暮風沙裏千騎黑貂裘皆稱羽林子金笳
吹朔雪鐵馬嘶雲水帳下飲葡萄平生寸心是

出塞曲

杜甫

朝進東門營暮上河陽橋落日照大旗馬鳴風蕭蕭平沙
列萬幕部伍各見招中天懸明月令嚴夜寂寥悲笳數聲

大同府志

卷之三

藝文

七

動壯士慘不驕借問大將誰恐是霍嫖姚

金古長城

李愈

秦築萬里城保祚迄蟠際阿房赤炬炎亡秦維二世勿謂
約榘愚千秋資控制

元秦長城

陳孚

驅車出長城飲馬長城窟朔雲黃浩浩萬里見秋鷗白骨
渺何處北風卷寒沙蒙恬劍下血化作川上花祖龍一何
愚社稷付征杵長城土未乾秦宮已焦土千載不可間似
聞鬼夜哭矯首武陵源紅霞滿川谷

明度桑乾

祝顯

金龍池畔水演作桑乾河東馳入滄海浩蕩成洪波誰知
稽天流發源始盈科覽物感人事臨流當若何

從夫赴鴈門

名董少玉媛

鴈門西近邊一片黃沙地烽火夜連天角聲入雲際風日
盡悲悽草木多憔悴况是逐臣妻那能不洒淚

悲平城

金幼孜

嬴政馭四海六國爲榛荆巍巍黃屋尊萬世希業成奕禩
肇二世收鐵乃銷兵更爲籌奇策北築萬里城民命半爲
土白骨亂縱橫焉知百歲後蕭牆自紛爭楚炬照天赤隆
準人咸京宗社旣覆絕滄桑多變更至今千載下長城猶
崢嶸我時從萬乘仗劍扈巡行徘徊覽遺堞惻愴懷古情
揮鞭上馬去落日悲風聲

過張寺丞汝舟墓

郭登庸

疲馬下恒山新塚寒烟結徘徊問父老感泣言忠節流賊
勢縱橫揮戈氣壯烈殺身一何易綱常賴不滅奸雄一過
之肝膽皆崩裂

登恒山

閻 璉

攬轡登恒岳緩步臨仙臺崎嶇亂巖中一徑屢縈回虎風
生萬壑澗底松聲哀石竇看雲行崖畔聽泉雷廟貌山腰
下瑯瑯委蒼苔重華昔巡狩遐徼疆未開恒山一望祭岳

石自飛來秩禮會至今名山竟蒿萊飛石遺舊窟茫昧誰
能猜我來觀風遊鞅堂痲塵埃遇此佳勝地寥朗豁心懷
坐規隱山椒吟眺空徘徊

恒山禱雨自責

胡汝礪

望雲淚欲滴思雨心如癡累食不下咽危機真燎眉顧我
以凡質維時把郡塵二載穀頗熟僉曰守所爲退遜內自
慙惟謝天地施今年當水德甘雨何愆期禾黍惜瓊奠甗
麥合金岐村顰蹙南畝火傘張晴曦節候近六陽豐凶爭
一絲設若罔矜佑何以收流移蹇予下孤柱窮途已觸籬
惡德豈恤死良民毋阻饑

大同府志

卷之三

藝文

九

國朝

甲辰冬月朱十訪我塞上賦對月詩奉答三首

曹溶

昔我登羅浮靈雲翼飛軒炎光扇四序奕奕神芝顏有美
儼相從盛作游覽言芳蘭麗重墀列植皆翩翻洗爵命醺
醺鱸鯉出丹淵旋日駕輕機跌蕩珠江前矢口吐嘉藻衆
賓稱我賢聿來鴈門棲轉瞬八九年寒燠旣殊軌瀕興何
由宣賴有同心士風雨仍勿愆樂莫故交樂遂賦明月篇
月出照城闔大野何洋洋連山萬餘里縣互不可詳列營
悲霜角羽燾隨風翔束芻徵近郊飛駁蔚千行獵火耀繁
星重裘禦嚴霜章甫謬司憲飭躬戒無荒蓬菅閉重闥民

俗借吉康方塵示處憂之子凌大江弗效是女仁抗慨溢
中腸曠觀幽與并回睇思故鄉旦夕事游燕孤抱成匹儼
何意古邊頭特達奉圭璋

圭璋慎中闕黽勉循昔經暫當展清輝相對於邊庭深雪
蔽層阪修柏含青英匡世羨高度緇塵詎能撓短褐濟三
冬園葵待晨烹曲房剪茅茨靜見游鴻征文籍繞四座持
酒忻其傾開懷玩流景哀樂全其貞悠悠道路間乃得親
友生恒嶽有盤石足以喻精誠環顧王化周冀方息交兵

鴈門關

朱彝尊

南登鴈門道騁望勾注巔山岡鬱參錯石棧紛鈎連度嶺

大同府志

卷之三

藝文

十

風漸微入關寒未捐層冰如玉龍萬丈來蜿蜒飛光一相
射我馬忽不前抗迹懷古人千載誠多賢郅都守長城烽
火靜居延劉琨發廣莫吟嘯扶風篇偉哉廣與牧勇畧天
下傳時來英豪奮事去陵谷遷數子不可期長歌爲誰宣
嘹嘹天半鴻聆我慷慨言

十月十四日夜同曹使君雲州對月 前人

發軌自徂暑息鞅及元冥迢迢沙際月皎皎雲中明臯禽
警朔吹別葉辭苦葦青霜降北陸參井緬縱橫主人託嘉
藻休澣寡所營悟彼行役艱曲宴奏中誠清樽湛瑤席兔
首亦以烹但言音燕闕豈意良覲并謙謙君子柄習坎美

不盈澄輝矢相照慰我殷憂情

雙松一影

馮雲驥

瀛洲有影木一葉具百影溶溶如列星靈光幻虛冥何乃
松兩株而若蔭交併離披日月下繹繹成異境多寡詫珠
懸今古驚傳領奇根誰篤之物理不可省深巖杳蒼幹孤
嶂抱綠町悵然無從尋天風吹骨冷

遊華嚴寺

前人

清夜招提境長風吹纖柯新月皎皎出流光蕩綠蘿此地
曾百戰萬馬屯干戈白骨銷爲土梵聲雲外和極目何所
見孤鴻渡大河

大同府志

卷之三

藝文

十一

望恒山

張韜

望恒山恒山不可上衆峙皆有兩北嶽爲之長石飛天與
招壁立龍行象曲陽靈所寓平觀羣偃仰瑤草帶雲來化
作非非想荷插邀天峰中虛聽清響梯石結空堦塞洲多
宿莽闢異種奇因刈荆開獨往須彌納芥中泰山在吾掌
古今千萬年止此厲垓壤

和望恒山之作

徐化溥

愛恒山恒山真可上單峰巘無兩四岳讓雄長三千與大
千法中說龍象有窟飛安王巖巖不敢仰雲來蛇結隨石
去鳥有想昔年白蝙蝠嶮嶮發空響得道臥山椒萬塵若

奔莽雲白草青青若敖安所往烟嵐萬壑晴瞥見巨靈掌
石室揀蘭臺趙符湮泉壤

誤載花石吟

李煥斗

昔讀方輿誌廣靈產花石及予官此方有客寄書覓殷勤
詢父老邈然無踪蹟因知古人書流傳多失實凡事貴闕
疑不獨茲一邑

懸空寺訪僧

魏象樞

遙聞十里鐘在山忽在水盤折叩山門老僧聞如此巉巖
綴虛空石閣輕於紙攜手說飛騰白雲簷外止

王烈婦詩

王之雲女

夏人佺

大同府志

卷之三 藝文

七

昔余視鹺時驅車太原路問俗採民風節烈心所慕共傳
戊子歲_{姜逆之變}逆賊肆兇酬神令有王君慷慨絕內顧卓哉

楊孺人就死何暇豫勉兒勵忠貞詩書不汝誤爰投古井
中耻爲賊所污母死季子偕義不忘乳哺禽委有弱息聞
難生悲怒再拜別舅姑竊緘庭中樹余時聞斯語喜極傳
竹素丈夫有鬚眉臨難猶回互弱質在女子視死同朝露
義方能訓兒舍生良不怖桮棬貽後昆善人天所祚細讀
林君傳委曲見情愫乃知忠孝心相遇若日暮

將去應州畱別鄭調周鼎四首

林贊王

秋風吹瑟瑟游子念故鄉駕言將旋返獨立何徬徨顧我

同門友契結芝蘭芳昭質美如玉琢磨就珪璋相期以古
道冰雪瑩肝腸所與共晨夕云逾二十霜安能捨此去涕
淚滿衣裳

自昔我家昆命途多屯否患難相追隨實惟諸君子高韻
薄層雲深情注遠水及我息肩初更作蒹葭倚促膝快談
文徵歌列羅綺問夜動未央絲絃日盈耳風景忽以殊遠
道從茲始

斗酒從歡會猶是少年場一言及離別滿座慘不揚非無
絲與竹徒令聽者傷人生重神交道里詎云長顧彼雲中
鴈亦自遠隨陽幸毋玉爾音慰我竚立望

大同府志

卷之三

藝文

三

佩劍行出門驅車桑水側握手臨河梁相視餘涕泣昔爲
鴛與鴦今忽儔侶失延頸自悲鳴何以奮羽翼願言各自
愛無爲游子惻梁月照相思萬里猶見色

將赴平定畱別張荷塘明府

吳炳

參漢循良清淨語師蓋源流沿潁川繁苛盡淘汰繫余
仕版初頗欲銘盤帶秦關且鴈門簿領困塵壒招徠媿膠
水方畧匪上蔡廩祿猶虛糜 聖恩實霧霈君家觀察公

績兩河最銘勒志昔賢冲襟滌驕泰私淑崇瓣香選風
言欬竭來相舉似悚慄祇增慨執鞭余何辭字字凜顛
牙浩煙海官職詩名會揮霍百里開五彩絢霞繪家

有餘師培養深根蒂發軔始金城聲名寇耿外他日馳
報章鴻飛期上艾

用韻答吳韜園前輩

張五典

材官各爭能身名要俱泰經術飾吏事羣目一措大君仕
自何年皓首猶束帶勞勞風塵中盛暑不車蓋重副會未
修統綺厭萃蔡每飯菜一盂何計軒與膾清寂拙謀身寧
一民所賴撫字耐辛勞建議中事會沿革著成書利病勝
圖繪報政向 闕廷考準廿七最代領屬後人膏馥得沾
丐匝月從之游朔中自彪外試玉必三火淬金期百汰置
車一南針迷途指矇昧暫別誦新詩嶺雲似靄靄君自此
大同府志

卷之三

藝文

古

遠矣離心逐征旆

山陰運水謠

前人

金城地廣斥石水鹽一斗漸米與煎茶味劣尤無取雲外
一條泉來自茹越口去郭十里餘一力供奔走負擔到齋
廚湛然滿瓶在何以答辛勞裂餅且傾酒不置調水符憐
渠頗忠厚獨愧盧城宰甘井吾何有

太白祠觀泉

李御

雲外數芙蓉松間尋琥珀流水復何心照我顛毛白對此
情不勝蒼然日之夕天姥唱高吟陂陁下崖石

白登臺

任承緒

白登臺上草今日猶蕭蕭漢高本雄武所遇何奮然新論
好奇僻臆度何囂囂陳平獻秘策其事非昭昭猛將旣糾
糾謀臣復超超何爲藉艷色詭詐來譏嘲煌煌班馬書傳
疑至此宵恒譚詎足論怪妄生風謠翹首見飛鴻噓噓鳴
碧霄北望萬馬羣臨風嘶九臯

題黃烈婦祠

吳輔宏

使君自有婦羅敷自有夫云何號官人毒痛及僮奴皎皎
吳氏女天生靜且姝嫁爲黃氏婦恩愛兩不渝誰張南山
羅將羅北山烏求之不可得致奴無完膚婦起前致詞夫
今將何如此頭不立斷此身終被污霍霍出七首觸之血
大同府志

卷之三

藝文

五

縷濡可憐貞烈婦畢命於須臾至今陰雨夜啼哭聲嗚嗚
我來拜祠下嗟吁重嗟吁人秉天地性有賢亦有愚徑決
禮義坊牛馬將襟裾惜哉太偏仄置此湫隘區會當更爽
塏爲婦奠厥居或用慰貞魂藉以式里閭千古同觸體母
與狗彘俱

寄懷應州學博張鶴亭同年

靳榮藩

吾晉有詩人景純導先路子安與摩詰鏘鏘鳴韶護子厚
澹而腴樂天深而露金筌玉溪生中晚推獨步陶臣奮餘
響表聖有真趣有明嘉隆時中行再馳騫國初諸前賢
晨星尚可數青主擅詞宗蓮洋日翹楚午亭垂縹緗彪西

足章句一一畱芳踪皆爲藝林慕鶴亭居儀川苦吟忘朝
暮潦倒而愈二欲使前修如憶富丙戌年山城勞小駐曰
悔少時篇才華歸陶鑄刊落桃李姿乃見松桂樹如今又
四載造詣薄武庫往來雲朔間健筆盡勾注何不遺新編
塵胸撥雲霧

吳冲菴太守招飲杏花園

胡溶

塞外春風遲春杪柳芽茁遊子念故人駕言雲中輟勝日
逢招邀賓朋集時傑出郭十里餘山麓得幽折杏花植成
林給賞盡奇絕萬樹映碧空色入胭脂渥赤者明于霞白
者皎于雪淺者淡于朱艷者殷于血柔條綴輕紅老幹屈

大同府志

卷之三

藝文

六

古鐵或如含睇入深情渺縈結或如林下風閒致自怡悅
羈客多善懷况此暮春節思歸聞杜鵑感時怨啼鳩把酒
酬名花無爲重驗眉

遊盤山詩

李康

羣峯四面環涉目皆成趣盤谷城東南探奇及暇豫清和
氣候佳少長聯鑣赴陟岡眼空曠緣溪逕回互幽鳥時呼
羣行行入深處拾級到寺門平橋水清注天風落梵鐘花
雨紛無數絕壁洞豁訝梯雲嘆窘步上著仙人踪歷歷在
指顧可望不可卽中心切洄溯古松勢參雲霜皮歷寒沍
列坐蒼苔間濤聲間瀑布煮茗汲新泉冷然豁沉痾山靈

如有情尋異愜幽素遊樂不知疲言歸夕陽暮回首山之阿蒼蒼隔煙霧

七言古詩

唐 送孫徵赴雲中

韋應物

黃驄少年舞雙戟目視傍人皆辟易百戰曾誇隴上兒一身復作雲中客寒風動地氣蒼茫橫吹先悲出塞長敲石軍中傳夜火斧冰河畔汲朝漿前鋒直指陰山外遊騎紛紛翦應碎凱旋歌奏看君歸金印酬功如斗大

雲中行

薛奇童

雲中小兒吹金管向晚因風一川滿塞北雲高心已悲城

大同府志

卷之三 藝文

七

南落木腸堪斷憶昔魏家都此方涼風觀前朝百王千門曉映山川色雙闕遙連日月光舉杯稱壽永相保日夕歌鐘徹清昊將軍汗馬百戰場君王射獸五原草寂寞金輿去不歸陵上黃塵滿路飛河邊不語傷流水川上含情歎落暉此時獨立無所見日暮寒風吹客衣

金 并州少年行

元好問

北風動地起天際浮雲多登高一長嘯逸瀨層霄摩我欲橫江關蛟鼉萬弩迸射陽侯波或當大獵燕趙間黃熊朱豹皆遮羅男兒萬馬隨撫訶朝發細柳莫朝那埽雲黑山布陽和歸來明堂見天子黃金橫帶冠峩峩人生只作張

騫傳介子遠勝僵死空山阿君不見并州少年夜枕戈破
屋耿耿天垂河欲眠不眠淚滂沱著鞭忽記劉越石拔劍
起舞鷄鳴歌東方未明兮奈夜何

遊龍山

前人

曩予寓大梁得交此州雷與劉自聞兩公路南山每恨南
海北海風馬牛龍山嵯峨今日始一見更信造物工雕鏤
是時山雨晴平田綠油油並山涼氣多况得通深幽山前
谷口出迎客石罅戛擊琳瑯球蜿蜒入微行漸覺藤蘿罨
衣樹打頭惡木拉颺棲直幹北指稠石門無風白日靜自
是林響寒颼颼一峯忽當眼仰看看不休一峯一峯千百

大同府志

卷之三

藝文

六

峯雖欲一一顧揖知無由金城偃蹇不得上瑤臺回合如
相畱苔花萬錦石丹碧爛不收天關守虎豹武庫開戈矛
小山隨起隨偃仆獨立千仞絕頂縹緲之飛樓百花岡頭
藉草坐瀟灑正值金蓮秋亭亭妙高臺玉斧何年修登高
攬元化快如鷹脫鞴山靈故爲作開闔巧與詩境供冥搜
白雲何許來纖絲弄輕柔蓬萊作霧湧飄飄與烟浮玉衣
僊人鞭素蚪翕忽變化令人愁須臾視六合浩蕩不可求
初疑陶輪此運甃今悟夜壑真藏舟劫石拂未窮杞國浪
自憂斷鼇立極萬萬古爭遺起滅如浮漚快哉萬里風一
掃天四周誰言大始再開闢日馭本自無停輶舉手謝山

靈就無清涼毫相非神羞賤子貪名山客到已屢投黃華
掛鏡臺天壇避秦溝大山神明觀二室汗漫游胸中隱然
復有此大初便可揮斥八極陞九州玉峯有佳招絕唱須
一酬爲君探囊擲下珊瑚鈎白雲相望空悠悠異時華表
見老鶴姓字莫忘元丹邱

登恆山

前人

大茂維岳古帝烈太朴未散真巧存乾坤自有靈境在奠
位豈合他山尊椒原旌旗白日耀上界樓觀蒼烟屯誰能
借我兩黃鵠長袖一拂元都門

明
修邊謠

尹耕

大同府志

卷之三

藝文

充

去年修邊君草喜雪作邊牆牆下水今年修邊君莫憂石
作邊牆牆上頭邊牆上頭多凍雀侵曉霜明星漸落人生
誰不念妻孥思此營門雙畫角

送李帥之雲中

李夢陽

黃風北來雲氣惡雲州健兒夜吹角將軍按劍坐待曙武
周山搖月半落槽頭馬鳴大飯飽昔無完衣今綉襖沙場
緩轡行射鵬秋草滿地風蕭蕭

鴈門太守行

前人

鴈門太守汝何人治邦三日稱神明我有牛羊蕃孳日劇
我有禾黍人不敢割昔我無衣今有袴著我忘禮拜太守

太守不見世但聞太守身姓邊宗髯廣額聳兩顴太守出
門四牡駸駸俊擁阜蓋前道一兩麾行者盡辟易右者不敢
窺旁問太守何所之云訪城一田皇甫規

登香山

王濬初

夏屋山中青一案三峯卓筆凌霄漢石壺寒水澹不流蘸
入三峯清可玩仙人駕鶴來臨池幻出天章世外奇阜被
五丁收拾去三今騷客不題詩

雲中兩烈婦詩

錢 宰

竹貞鎮雲中縱游兵掠鄉鄙張思孝妻華氏偕子婦劉
罵賊死之作雲中兩烈婦詩

大同府志

卷之三

藝文

三

雲中兩烈婦風節何雄哉婦姑誓同死軍馬倏已來姑言
我死命之遭爾一年少不得逃欲自經不得索欲自刎不
得刀少婦前致詞一不用刀與索兒當激賊怒婦姑頭共斫
姑如湛盧劍罵賊賊獵獵生剛風婦如黃間弩蹶張放弦氣
愈雄厲聲奮激騰賊鋒萬古雙烈夸雲中

雁門太守行

何景明

壘壘高山莽莽代谷城邊風起沙漠漠城內惟聞奏音樂
太守下車買牛魚戈陶民禮義朝絃暮歌北歷黃沙磧南
遊白草原五馬何秩秩朱英導文軒嗟哉太守亦孔武時
時較獵西山下

樂耕行

蔡天祐

君不見農家百畝田號爲青銅海祖孫世相守永業不更
改春來下種先深耕牽牛拽犁布穀鳴土膏脉起人易墾
雖用人力猶爲輕南方水田尤異此男女手足多胼胝橫
斜深栽插秧齊儂歌互答真可喜四月五月雨水勻高田
下田如綠雲稂莠已芟佳禾長物色生慙殊欣欣後苑之
東地如掌繁華正好恣心賞如何甘作稼穡場要與太古
同擊壤造化育物同吾心盛德大業昭森森果然有相存
乎我天人一理堪推尋詩書之暇來田畝召彼農夫與田
叟較晴量雨細商評此輩誰知調燮手吾王上念中興功
此樂普天下

登桓山

董子策

少年有志競奇好大觀在望東山小曾從滄海問蓬萊欲
到崑崙採瑤草一朝抱甕上金鑾玉皇畱我賜瓊筵度世
還丹成九轉霞衣拜舞陪羣仙天恩深重慚無補星駕馳
驅出巖阻熊羆百萬守重關巖城旌壘安如堵歸來緩轡
渡桑乾南望中天聳翠巒三晉諸山皆拱伏是爲神岳鎮
并原尋幽弔古人成癖且向山中覓奇跡桃花流水自依

然白雲洞口無消息琴棋臺上蒼松古飛石巖前雙鶴舞
重華今去幾千秋玉檢金泥在何許臨風幾度增惆悵更
上丹梯三萬丈羣仙憐我苦憂時爲酌飛觴解勞快須臾
歌動步虛聲急管悲絲那忍聞俯視蒼生堪太息風塵黯
黯正銷魂丈夫自有安邊策腰間寶劍寒光燭長嘯一聲
天地寬願爲君王建奇烈

登恒嶽

王象雲

大茂巍巍竄不測非烟非霧濛濛黑朝朝怒號夜呼風日
日翳翳頤欲寒別有桃花四月開還驚飛澗雨山逼拂天
盪葉木千章蔚采蒸霞輝五色高拱絕塵南面尊披胷藏

大同府志

卷之三

藝文

三

岫羣山匄石城襟帶勢天工紫闕層樓幻海國配岱山肩華
位亢宗興雲激雨元成德峽門洞口豈鑿疏乖崖奇壁非
雕刻叱鬼草靈誰許餐沙田骨瘦猶作穉巖巖澹宕冷炎
媯寥落要荒居代北

國朝 趙武靈王墓

馮雲驥

大漠蒼蒼山月小趙王墓枕青山老怪蝶隨風獵野花黃
狐幾夜啼秋草昔時意氣何英雄遺俗能成蓋世功山川
想像餘威在斷碣殘碑認烏蟲年年涼雨燐燈濕龍旗朝
夜精靈集甲士黃雲帶劍來宮娥紅鬼調箏立迢迢戍壘
望飛樓七星掛城河漢流誰記舊遊歌舞地珍珠埋盡野

松愁我來登臺獨懷古一酌濁酒澆黃土楓青
古魂
疑悲吟弔君君豈知

題雲岡寺

前人

古巘陰陰元氣濕蒼雲不動秋風急斤斧何年出化工深
夜明月山鬼泣竅鑿天開石髓香千佛寶相生奇光平河
前面魚龍舞琉璃慘澹照蒼茫當門古木森成抱落葉蕭
蕭人不掃常看花草變春秋茅菴野衲山中老山中習靜
意如何寒鴉飛盡水無波興亡太息人間事多少繁華一
瞬過城臺極望還如夢霜鐘響徹晨雞弄帝子銅駝碧薜
沉美人玉燕青苔凍息機乘化吾何心曠哉天地迥高深
萬載不改蓮花界大道虛無自古今

大同府志

卷之三

藝文

三

恒山

劉石齡

寶符元玉莫茲麓有神上下扶坤乾曲陽飛石就裡祀虞
舜不到恒山邊茲語荒怪誰所紀翠砥巖巖空磨鏘磁窰
兩岸盡絕壁南有細逕緣秋烟崖回水立三百丈巨石怒
落隨奔泉幾年於此壘雲棧排空石竇鬼手穿餘材蝨啣
插山腹欲落藤蔓相鈎牽平生未嘗識劒閣或謂蜀道險
亦然崩劣萬仞試初步飛仙巖閣中霄縣虎風一噫土囊
口犍牛飄墜輕烏鳶渾渾雲霧起林際青虬鱗尾方蛟
紫芝翳翳隱幽峪黃榆颯颯飛晴天中有仙人繫驢樹下

根離析枝相連寒濤萬壑起松杪翠雪散落山亭前夕陽
晚霞足幽眺丹竈夜光然通元野人頗有濟勝具度越峻
嶺如登仙俯視羣山盡臣庶太白巨麗差隨肩茫茫一氣
辨遐塞橐駝萬隊成蟻旋丈夫寧能死章句有名須勒於
青編此心未遂身老大投足巖岫差安便遍遊五岳自茲
始俟昏嫁畢當何年

遊寶峯寺迴憩神谿訪鳳凰山古蹟 凌如崧

騎馬恒陰道野雪埋荒草下馬古刹前羣山四拱抱老僧
披衲喜相迎烹茶促膝話無生久坐不覺塵世遠松風午
磬檐間清聞道前村神谿更有泉空明夜月鳳山顛昔人
曾此結廬住琴書灑落臥雲烟我來踏屐情無已空山寂
寂環流水不見當年垂釣人但餘殘碣荆榛裡憑高極望
動予愁歸鴉滿眼寒烟起

應州木塔歌

張開東

君不見應州木塔高佛宮下視利舍四萬八千皆兒童五
十六丈摩蒼穹朱檻八面開玲瓏突若黃河砥柱嵯峩峰
又若滄海尾闕氣溟濛不知建自何年始但見石幢注遼
清寧中元順之朝地大震塔旁屋瓦同飛蓬惟有此塔屹
然不動如山岳寧非神鰲蟠踞巔屢負其雄我來振衣登
絕頂兩腋颯颯揚天風南望瀛門北恒代河流一綫西復

東呼仙子招雲鴻我欲乘之八極凌虛空

孫孝女詩

團昇

孫家小女年十一有母孀居別無出族中兩鴟鴞奪母欲
他匹深宵畫灰成密謀巧藉賣屋爲因由誘母及女與俱
去中道假宿旁村劉母女初時雅不意越宿不歸心怨詈
袖中突出定昏書始知誤入張羅地阿母誓不再適人苦
以弱女纏其身相持涕泣過夜半女忽定計甘從親可憐
三尺組織就千絲縉裂半與弱女抱送先投縲阿母忍痛
去自縊古井闌噫嗟女也一黃口不肯畱身落人手燈昏
月黑鬼夜啼魂魄悠悠隨阿母獄成官司爲請旌彤管

大同府志

卷之三

藝文

三

許附林姐名崇祠鼓瑟吹竽笙蚤晚俎豆隨秋丁世間婦
女何爲者燕代紛紛競遊冶爭似荒村小女娃千秋名字
知林姐

孔固書重修普恩寺碑歌

任承恩

雲州寶利城南偏創建始白貞觀前金源重新經歷代丹
青古壁今猶全山僧指我有巨石蛟螭蜿蜒鑄四邊下承
負重上纓絡晶光玉潤圭角完方廣詎止十數尺立此殿
側將千年循環坐立終日對法言妙義皆真詮沙鍾泥印
結字體雅姿拙趣何纏綿蔡鐘夙已不可作贗本雜出誰
窮研顏柳歐虞石亦燼大抵波瀾非唐賢徒寶虛名不寶

實令人絕倒真堪憐何如此刻神不失并刀斷水光鉞宜
有時屋漏折釵股無垂不縮同機圓或者快馬下峻阪疾
於電掣鸞騰騫摩挲令人重嘆賞鬼物呵護非偶然松花
滿斗不足惜更剪榻上單青氈響榻百本貽好事一時千
載相流沿

辛丑冬仲鎮府郊獵招余往觀爰賦 文 光

轅門列戟牙纛張將軍坐鎮靖朔方著體輕裘羊叔子羅
胸武庫杜當陽塞外金城屯細柳軍中玉帳試長楊時清
甲兵洗不用遊獵隱隱寓鷹揚只今冬仲雪花舞將軍急
遞賁瑤章邀余往觀聯轡出平沙漠漠天茫茫須臾叱咤

大同府志

卷之三 藝文

三

千騎合前有狡兔後黃羊將軍大笑向予說請效薄技呈
圍場發必中的應絃倒號蜩貫蝨相頡頏北門鎖鑰印如
斗 皇圖永永鞏苞桑伊子凡猥不足道也自臨風慨以
慷

大同府志卷之三十一終